



تاریخ وادستات

جلد ۱ : ۳۳۶

محمد علی

ملك وملكه نافع ، تاريخ ، ادبيات ، فنون ، اقتصاديات وشئون سائرميه متعلق
مباحث مفيدهى حاوى مجموعه شهریه در

بوسطنك مندرجى :

سوكىلى پادشاهى سلطان محمد وحيدالدين خان افندى حضرتلرينك جلوس
هابونلرى تاريخى .

قانونى سلطان سليمان خان حضرتلرينك غزل ملوكاته لرى .

فخرالمخدرات عادل سلطان بنت سلطان محمود خان ثانى حضرتلرينك ايكى عدد
نظيره بلاغت آرا لرى .

مشاراليها حضرتلرينك (تحسرنامه) عنوانلى منظومه غرالى .

تاريخ عثمانى انجمنى رئيسى عبدالرحمن شرف بك افندى حضرتلرينك تحرير ارقى وجوابى .

تورك اوجاغى مركز عموميسى اداره رئيسى حمدالله صبى بك افندى
التفاتنامه لريله جوابى .

رفيق خالد بكه اخطار .

خاطرات - لوحه نظائر : غزل فضولى - نظيره اميرى - ديكر نظيره اميرى -

نظيره محى - ديكر لوحه نظائر : غزل اميرى - نظيره محى .

ناشرى

على اميرى

اوقاف اسلاميه مطبعه سى

لوحة نظائر

غزل فضولی

کرچه ای دل یار اینچون یوز ویردی یوز زحمت سکا
ذره جه قطع محبت ایتدک رحمت سکا
صافله نقد غم عشقینی ای دل ظاهرایت [۱]
کیم ویردم حبس قفسدن چیقمنغه رخصت سکا
چاره بهبودمی سوردم معالجدن دیدی
درد درد عشق ایسه ممکن دکل صحت سکا
طوتارم یارین قیامتده حبیب دامنک
مستسک غفلت شرابندن بوکون مهلت سکا
اهل عشق آتس عجرانه ایلرسک کباب
دونه دونه التفات ایتدک بودر عادت سکا
انجیدر ناله سنی نوله اکر برتیغ ايله
چشم جلادک ایده احسان بکا منت سکا
سنده دون کورددم (فضولی) میل محراب نماز
ترك عشق ایتدکمی ایسترسک نه در نیت سکا



نظیره

هرنه جور ایتسک شکایت ایتم ای آفت سکا
قورقورم لکن اولور جور ایلک عادت سکا
قیمتی دنیا دکرکن جوهر جسمک سنک
چشم وابرولرده ویرمش بشقه برقیمت سکا
برنکاهندن بولور درد درونک التیام
بونه سردر خسته چشمندن کلور صحت سکا
قالسون فردایه شکوا ، ایلدم بیک آه وزار
مست ایده غفلت شرابی ویرمدم مهلت سکا
یوقدر اول ابروده برایمای شفقت کیم مکر
عشوه شرابنده اولمش جور اینچون نیت سکا

[۱] اماله‌ی اسلاف کرام تجویز بیوردقلری اینچون فضولی حضرتلرینک
بو غزل عالیلرنده برقاق اماله موجوددر . لکن اخلاف اماله‌ی ممکن اولدینی
قدر ترك ایتلیدرلر .